



Azua: «Gezurra da Jaurlaritzak industri politikarik ez daukanik» / 19



Arzalluz eta Ardanza hizlari «Europara begira» egingo den Alderdi Egunean / 4



Meatzari matxinatuak llescu boteretik kendu gabe itzuli dira Jiu haranera / 22

Egunkaria

Igandea, 1991ko irailak 29 / II. urtea / 253. zenbakia / Salneurria: 75 pta. / 4,5 libera

GEHIGARRIA

Ehiza denboraldia

Hego Euskal Herrian datorren urrian irekiko da ehiza txikiaren epea. Ehiztari eta zaletuak eguna noiz heldu eta mendira irteteko dau-den honetan, EGUNKARIAK gehigarri berezi bat kaleratu du gaur iharduera honi buruzko zehaztasunak eskaintzeko.

PSEk hizkuntz politika aldaerazi du Jaurlaritzan

PSE-PSOEk aldatu egin du Eusko Jaurlaritzak orain arte zeukan kultur eta hizkuntz politika, EAJrekin hitzarmen berrian sartzeko. Ramon Jaurregi PSEko idazkari nagusiak adierazi duenez, aurreko akordioarekin, arlo horietan «karga nazionalista» zegoen eta «frontismo ideologikoa» nabari zen. Hizkuntz eta kultur politikara «arrazoiaren lengoia ekarri dugu, errealis-moarena», azaldu du. / 4

Inkesta batean A-4aren alde dago gipuzkoarren erdia

Autobideko auzian, A-4 trazaketaren inguruko akordioaren alde dago gipuzkoarren erdia, Lurraldeak enkargaturiko inkesta batek dioenez. Akordioaren alde dago % 54,5 eta aurka % 18,9. Inkestatu asko (% 44,6) akordioak aurrera egingo duelakoan daude. Gehienek uste dute, gainera, A-4aren gaineko kontsentsua lortzeko bai Diputazioak bai Lurraldeak berdintsu eman behar izan dutela amore beren jarreretan. / 5

Realak 0-2 galdu zuen Atletico de Madriden kontra

Huts egin zuen berriro Realak Atotxan. Bi gol egin zizkien Ligako liderrak, txuriurdinei. Lehen zatian, 39. minutuan aurreratu zen Moya. Bigarren zatian, berdintzeko aukeraren bat izan zuen Realak, baina alperrik. Sei minutu falta zirela amaitzeko, Vizcainok borobildu zuen emaitza. Realak ez du golik sartu oraindik Ligan.

Bushek desarme nuklearrerako proposamen historikoa egin du

Froga nuklear guztiak debekatzeko eskatu dio Gorbaxovek


Desarme nuklearrak aurrerakada handia egin dezake Estatu Batuak eta Soviet Batasunak elkarri egindako proposamenekin. Herenegun, George Bush Estatu Batuetako lehendakariak SESBi alde bakoitzeko arma nuklearen murrizketa handiak proposatu zizkion. «Gerra Hotza» eta arma nuklearen «lasterketa» hasi zenetik jadanik desarme proiektu nagusia da hau.

Proposamenaz gain, aurrepaus bezala, Estatu Batuak «lurreko armamentu nuklear guztia suntsituko dute, bai Europan zein munduko beste tokietan, besteak beste Hego Korean», iragarri zuen Bushk Etxe Zuritik egindako hitzaldi batean.


Mikhail Gorbaxov lehendakari soviatarrek gogo onez jaso zuen lehendakari iparramerikarraren mezua «iniziatiba handia eta historikoa» dela esanez, eta kontraproposamen ausart batekin erantzun zion: proba nuklear guztiak debekatzeko eskatu dio Gorbaxovek, eta aurrea hartu dio Bushi «desarme lasterketan». / 21

DESARME NUKLEARRAREN BIDEAN

1 Bushek Europako tiramen laburreko misilak eta submarinoetakoak ezabatuko dituela iragarri du.



2 Gainerako arma nuklearretan murrizketa nabarmenak negoziatzea proposatu dio Bushk Soviet Batasunari.



3 Gorbaxovek froga nuklear guztiak debekatzeko proposatu die Estatu Batuei.



BEÑAT AZURMENDI

■ **FRANTZIAK ETA ERRESUMA BATUAK** oraingoz ez dituzte erretiratu-ko beren misil nuklearrak. Beraz, Estatu Batuak lurreko misil guztiak kontinentetik kendu arren, Europa desnuklearizatuaren ideia ez da beteko. Gainera, aireko misilak ere ez dituzte kenduko EEBBek, misilak, hegazkinetan eraman daitezkeenak, «NATOn Estatuaren defentsarako ezinbestekoak direlako».


■ **GAILUR NUKLEARRA** egingo dute aste honetan Europan arma nuklearrak dituzten lau potentziak: Frantzia, Erresuma Batua, Soviet Batasuna eta Estatu Batuak. François Mitterrand lehendakari frantziarrak egin du bilera proposamena.

■ **BONBAKETARI ESTRATEGIKOAK** lurreratu dira azkenean, Richard Cheney Pentagonoko buruak agindu hori eman eta gero. Bonbaketari hauek arma nuklearez beteta ibili dira airean, egunean 24 ordu, azken 24 urteetan, gerra atomikorako prest. Gerra hotzaren sinbolo argienetako bat desagertu da horrela.

Bajo Ulloarentzat Urrezko Maskorra

Juanma Bajo Ulloa, Gasteizko 23 urtetako zuzendari gaztearen luzemetraiari —'Alas de Mariposa'— eman dio sari nagusia, Urrezko Maskorra, Donostiako Zinemaldiko epaimahaiak. Beraz, iaz Montxo Armendariz nafarraren 'Cartas a Alou' filmearekin gertatu bezala, Urrezko Maskorra Euskal Herrian geratu da Bajo Ulloaren estraineko luzemetrairekin.

'Den Store Badedag' danimarkarra eta Estatu Batuetako 'Scorchers' filmeak, Zinemaldien izan diren kritiko askoren iritziz merezimendu handiak zeuzkatenak, Sariaketa Ofizialetik kanpo geratu dira. Baina lehenak Zinema Idazleen Elkarte Saria eta besteak Gipuzkoako Ate-



Juanma Bajo Ulloa.

C. VILLAGRAN

neoko Saria eskuratuz du.

Gidoi onenaren Zilarrezko Maskorra sarirako Bruce McDonald kanadarraren 'Highway 61' filmea izan da aukeratu. Emakumezko eta gizonezko aktore onenaren Zilarrezko Maskorak, jakitera eman zirenean txistuak entzun behar izan zituzten epaimahakideek. Emakumei dago-kionez, sari nagusia, 'Waiting' filmeko aktore taldeak jaso du. Gizonezkoetan berriz, Silu Seppaelaeskuratu du, 'Zombie ja Kummitus-juna' filmean egindako lanarengatik.

Iluntzeko itxiera ekitaldiakin eta sari banaketarekin itxi zen Zinemaldia Victoria Eugenia, ekitaldirako bereziki gonbidatuta zegoen Robert de Niro agertu gabe. / 26-29

BESTERIK

G I Z A R T E A

EHuk hamabost mila ikasle berri izatea espero ditu / 10

E K O N O M I A

Bilboko 'Industri Gailurra' azoka % 4 hazi da / 19

K I R O L A

Osasuna-Español eta Athletic-Logroñes, liga partiduak gaurko / 23

K U L T U R A

Euskal Herriko Abesbatz Elkarte gaur sortuko da Donapaleun / 30